

Šemsudin Mehmedović

1. Komentirajući odgovor Vijeća ministara BiH na pitanje postavljeno na 13. sjednici, održanoj 10. novembra 2011., istakao je da insistira na preciznom odgovoru – „Ja sam dobio pregled, moram biti iskren da mi određene institucije i ministarstva nisu dostavili tačne podatke. Stoga ću ja sigurno insistirati na preciznom odgovoru na ovo postavljeno pitanje.“

Pitanje je glasilo:

„Koliko je u prethodnom vremenu ovog saziva Vijeća ministara i u kojoj instituciji penzionisano službenika, te ponovo vraćeno na iste poslove ili savjetničke pozicije?“

2. Dopunio je pitanje postavljeno Vijeću ministara BiH na 15. sjednici, održanoj 8. decembra 2011. Pitanje je glasilo: „U 2011. godini nije usvojen Zakon o Budžetu institucija BiH i međunarodnih obaveza, te nisu ni realizirani grantovi Ministarstva civilnih poslova BiH, ali su iz rezervi budžeta finansirani projekti iz sporta i kulture, te ovim putem tražim da mi Vijeće ministara BiH dostavi odgovor na pitanje – koji projekti, odnosno koje organizacije su finansirane iz rezervi budžeta tokom 2011. godine u oblasti kulture i sporta, kao i druge nevladine organizacije i u kojim iznosima?“

Pitanje je dopunjeno na sljedeći način: „Kako su iz budžetskih rezervi i kome dodjeljivana sredstva za sport i kulturu?“